



Ғафу – менің тағдырым



Тұлпар жырды жалынан ұстап бағындырып, ақындық қуатына азаматтығы қосылып, түйдек-түйдек ұйқасты төгілтіп тұрып жыр жазған, арқалы ақын Fafu Қайырбековтің бетін топырақ жасырғалы 20 жыл етіпті. 20 жыл бұрын қарашаның қабағын қарс түйген қара сұық күндерінің бірінде ақын жанары мәнгілікке жұмылыпты. Алайда, ақынын аялап, қастерлей білген халқы перзентін жадынан өшірген жоқ. Шүкір, артында жырын сүйіп оқитын оқырмандары және сол мұрасын жинақтап, халқының кәдесіне жаратып отырған адал жары Бәдеш Хамзақызы мен үрпақтары бар. Ал осы 20 жыл ішінде Бәдеш апа Fafu ақынның 20 кітабын шығарыпты. Біздің тілшіміз жарының жырын халқына жеткізуден талмайтын Бәдеш апаға жолыққан болатын.

-Бәдеш апа, 1994 жылдың жазында, ағаның көзі тірісінде осы үйге келіп, дәл осы дастарқанның басында отырып әңгімелесіп, теледидарға түсіріп кетіп едім. Және сол түсірілім ағаның ең соңғы таспаға жазылған жанды бейнесі болып еді. Зырлап ағып, ешкімнің бұйрығына бағынбайтын уақыт, Fafu ағаша айтсақ, қанатты жылдар қанатын қағып, 20 жыл өте шығыпты. Ағаның өзі айтқандай, сіз оның алғашқы оқырманы да, алғашқы пікір айтушысы да, һәм өлеңін мәшенкеге басатын көмекшісі де болдыңыз гой.

- Бір сезіндің қатесін жоқ. Рас, өзі айтқандай сол көмекшілігімді әлі де атқарып келемін. Faфудың мәшенкесін бас қаным қандай абырой болған, қазір қай қағазы, қай жазуы қай жерде, бәрін білемін, бәрі орын-орнында, 20 жылда 20 кітабын шығарғаным да соның арқасы.

Біз Faфу екеуміз де 8 жасымында әкемізден жетім қалыпты. Екеуміз де 7 сынып бітіріппіз. Faфуға Есман деген ағасы атtestat алып берілті де, ал мен 7-шіні бітірген соң Шолақсай ауылында екі жыл мұғалім болып жұмыс істедім. Содан Алматыға оқуға барғым келіп, бұрынғы оқыған мектебіме барсам директор: «Бізге атtestатты бала санына шақтап босатады, биылғы атtestат беріліп кетті, енді саған тек 9 сыныпты аяқтады деген ғана анықтама бере аламын», – деді.

Содан анықтамамды алып, 1946 жылы 10 күн жүріп, әупірімдеп Алматыға келіп, Мәриям Хакімжанованың үйіне тоқтадым. Себебі, Мәриям апаның женгесі, үлкен ағасының әйелі менің анамның сіңілісі болатын. Осында келгесін бір жағынан мектепте сабак беріп, бір жағынан Түрген педучилищесінің 3-ші курсына қабылданып, одан атtestат алып, 1948 жылы Қыздар педагогикалық институтына құжатымды тапсырдым. Институтта 3-ші курстан жазғы демалыстан Алматыға оқуға келерде пойызда жерлес жігіттер Faфу, Асаяу, Әмірғалилармен таныстым.

- Ағаның «Алматыда көшесі бар Гогольдің» деп жырлайтынының мәні осында жатыр десенізші.

- Қарағым, саған өтірік маған шын, біз Faфу екеуміз қыз-жігіт болып жүрген жоқпыш. Жерлес ретінде жоғарыда есімдері аталған жігіттер бар, бәріміз араласып тұрдық. Соңғы курста оқып жүрміз, ол кезде студенттердің суреттердің тұсына ақындардың өлеңдерін жазып қоятын бірбірден альбомы болатын. Менің де сондай альбомымды Faфу алып, ішіне әдемі өлеңдер жазыпты. Бірге оқитын қыздар: – Ойбай, Бәдеш, мына жігіт саған ғашық, – дейді. – Қойындар, менің жерлесім ол, – деп қоямын. Содан соңғы курста оқып жүрміз, маған Әмірғали келіп: «Қақаң тамақ ішпейді, ұйқы ұйықтамайды, аһылайды үнілейді, сізді көрсе ғана жақсы болып қалады, сіз біз тұратын пәтерге келмейсіз бе?» – деп шақырады. Содан жетісіне бір, болмаса 4-5 күнде барамын, барсам Faфу орнынан тұрып, бізбен бірге шәй ішіп, әпәдемі болып отырады. Бір жағы құрдастың ғой, оны маған жігіт болады деген ой да жоқ, ей, сен ауырып жатыр деп еді ғой, деп күлемін. Қалай болса солай сөйлеймін, ол күледі де қояды. Ал мен жинала бастасам түсі бұзылып кетеді, оны да бірақ кейіндеу байқадым. Әмірғали сонда, көрдіңіз ғой, сіз келсеңіз жақсы болып қалады, жиірек келіп тұрыңыз, дейді. Осылай Әмірғали келіп, мені жатақханадан алып кетіп, жерлестерге барып шәй ішіп кетіп жүрдім.

Оқуды үздік бітірдім. Киімді бойы ма жаразтырып киемін, ал диплом алардағы кешке арнап, сарыдан гөрі құйгенсаздың түсіне келетін көйлек, қолыма сәнді қолғап тіктіріп, әдемі сөмке алғанмын. Ал Ғафу да бітіретін кешке деп қара түсті жаңа костюм сатып алыпты. Қазір өртеніп кеткен Балалар мен жасөспірімдер театрының ғимаратында біздің бітіру салтанатымыз өтті, мен терде президиумда отырмын. Қозіммен Ғафу келді ме еken деп іздестірсем, көрінбейді. Ее, келмеген еken ғой деп ойладым. Ұзіліске шыққанда қасыма келіп тұр, қарасам, үстінде көнетөздау менің көйлегіммен түстес костюм. Сенің киіміңе түстес болайын деп біреуге айырбастап алдым, дейді. Ғафу тіпті туған құнін де маған ұқсаттырып өзгертип алған. Екеуміздің арамыз екі-ақ ай. Ол негізінде тамыздың 3-і құні туған. Менің туған құнім қарашаның 15-і ғой, ал ағаң да сол 15-ші тамыз деп туған құнін өзгертип алған. Ағаң мені қатты жақсы көрді ғой (Бәдеш апа құліп қойды).

Біз оқуды бітірген соң бөлмеде бірге тұратын қыздар ортаға алған заттарын маған тастап, барлығы де үйлеріне кетті. Жалғыз қалып, бөлмеде не істеймін деп отыр едім, Ғафу келіп тұр. Мен саған келдім дейді. Менің буып-түйген заттарымның көптігін көріп, мыналарды кейін аларсың, қазір киімінді ғана алайық деді. Чемоданымды алып, Ғафулар тұратын Патшагұл апайдың үйіне келдік. Апай шашу шашып қарсы алды. Ойымда тұқ жоқ, ее, менің диплом алғаныма шашып жатыр еken ғой, деп қоямын. Ертеңіне Алматының түбінде тұратын (Әкем 37-де ұсталған соң, 28 жасында қалып, тұрмысқа да шықпай мені жеткіземін деген шешем Алматыға Мәриям апайларға жақындал көшіп келген) анама баратын болдым. Шығарып салып тұрып: Анаңа екеуміз қосылатын болдық деп айта келесің ғой», – деді.

Үйге дипломымды көрсеттім. Анам мен оның сіңлісі, нағашы апам қуанып жатыр. Шешемнің сіңлісі енді тұрмысқа шығуды ойлауың керек, жасың 24-ке келді деп жатыр. Отырып Ғафудың сәлемін айттым. Нағашы апам: – Ойбай-ау, не дейді, осында саған қызығып, құда түскісі келгендер көп, жақсы жерлер еді, ал мынауың жетім көрінеді, қой таста, – деп жатыр. Ертеңіне таңертең шәй дастарқанының басында анам: – Экеңе де, өзіме де сені ренжітпеймін деп серт беріп едім. Ақылың жоқ емес, сенің де білгенің бар шығар, сондықтан жылжып, ешкімге де ұзатпаймын, батамды бердім, – деді. Алматыға келдім, Ғафу қарсы алып, бір бөлме тауып қойған еken, соған алып барды. Міне, солай жұбайлық ғұмырымыз басталды.

Артынша анам бізбен бірге тұрды. Ал енді ол екеуінің арасындағы сыйластық мүлде бөлек болды. Анам өмір бойы Қаутай, Қаутай деп өтті. Тіпті кей ретте менен гөрі Ғафудың сөзін сөйлеп кететін, жарықтық. Ал енесін менің Ғафуымдай сыйлаған жанды естіген де, көрген де емеспін. Қандай кеш келгенде тықырын сездірген емес, аузын алақанымен жауып, болмемізге тез кіріп кетіп, айран экеліп берші деп, анамның көзіне ондай кездері бір түспейтін. Ешқашан өз үйім ғой деп анамның алдында ашық-шашық жүрген жоқ. Өткенде, қолымдағы балам, Әлимамның қүйеуінің аяғы сынып үйде жүргенінде сыртқы көйлегін шешіп тастапты: – Эй, мұның не, мен отырмын ғой, – деп едім жүгіріп барып көйлегін киді. Ал менің Ғафуым оны ешкім айтпай өзі біліп жасайтын еді ғой.

– Апа, сіздің тегінізде солтүстіктің қазактары қадірлейтін Құғал бидің қаны бар дейді, соны айтып берсөніз.

– Құғалдан үш бала туады, соның біреуінен менің анам тарайды. Қостанайдың Қарабалық аймағында өмір сүрген айтулы билердің бірі ғой. Анам қандай көрікті болатын, менің ажарым шешеме емес, әкеме тартып кеткен. Габенің: «Ее, Бәдеш неге осындан десем, Құғалдың нәсілінен қан бар еken ғой», дейтіні содан ғой.

Анам мол қолды болатын. Біз үйленіп, Ғафудың Ыбырай Алтынсарин туралы дастаны шығып, ел назарына іліне бастағанда анам базардан барып бір улкен дастарқан сатып экелді. Мен жалпы анам барда шәй құйып көрмеппін. Ертеңіне таңертең сол дастарқанды жайыпты. Үйіміз тар, кішкентай ғана, құрқылтайтың ұсындар. Содан мен дастарқаның шетін қайыра бастап едім. Тиме, солай тұрсын, өзім апарып беремін,

қозғама, ырымдап отырмын, дейді. Сол дастаркеннан Мұхтар Әуезов қана дәм ішкен жок, қалған ағалардың барлығы сол анам ырымдаған дастаркеннан ас ішті. Сәбит аға ылғи маған Бәдеш қайдасың деп құлак беретін, Ғабит аға Faфу екеумізге ән салдыратын. Анам жайған мол дастарқан туралы Faфудың керемет өлеңі де бар.

– Бәдеш апа, сіз қай кезден бастап, жұмыстың қойып, тек ағаның жағдайын қарап, жазғаның басып үйде отырдыңыз?

– Ол да Faфудың қатты жақсы көргенінен. Айттым ғой, мен оқуды өте жақсы оқыдым деп. Академияда жұмыс істеп, ғылыммен айналысуға тақырып та алып қойғанмын. Содан аздал ауыра бастадым. Тексеріле келгенде қатерлі ісік бар деген қауіп айтылды. Диагнозды анықтау үшін денесінде түгі жок, 300 гр. қоянның көжегі керек болды. Соны Faфу тауып алып келіп, менен қан алыш жаңағы көжекке екті, 10 күн анализдің нәтижесін күттік. Телефон шырылдаса баруға жүрексінеміз. Содан бір күні Faфу телефон тұтқасын көтерді де, сәл тұрып, құлап қалды, телефон ұшып кетті. Ойбай, мен жаман ауру болған екенмін, деп жылап үстіне мен де құладым. Жоқ, жоқ деп менің бетімнен сүйіп, аурудан амансың, амансың деп жатыр. Куанғанынан құлап жатыр екен. Құшақтасып алыш, ал келіп жылайық. Сөйткен менің Faфудың артында қалғаныма, міне, 20 жыл.

5 жылға дейін ауру бір жерден білініп қала ма деп аландал жүрдік, 5 жылдан кейін жұмысқа шығайын десем, Faфу өзім асыраймын, ештеңені уайым етпе, отыр, өзінді күт, деп рұқсат бермеді. Содан Faфуга, өзіме, балаларға қарадым ғой.

– Аға шығармашылықпен қай кезде айналысатын еді?

– Жарасқан айтқандай, «Радионы басып қалсаң Faфекен, теледидарды ашып қалсаң Faфекен», дегеніндей ол өте тез болатын. Кейбіреулер тұнде ұйықтамай жазамын дейді ғой, ал Faфекен таңертен ерте тұрып жазып, таңертен жұмысқа бара жатқанында бетімнен сүйіп, жазып қойдым дейтін, онысы басып қой дегені. Өлең де, мақала да, неше түрлі тапсырыстар да осылай жазылатын. Мен кейде: Осы неге тапсырыстарды көп ала бересің, дегенімде, мен сияқты әрі тез, әрі сапалы орындастын адам көп емес, дейтін. Мен шәйімді ішіп болған соң мәшенкеге отырып, асықпай барлығын басып қоямын.

Осы жылдар ішінде Faфудың туған күнін бір рет те атаусыз қалдырған емеспін. Жақын-жыық, жерлестер, құдалар, Faфумен қадірлес жандар жылда 15 тамызда осы үйде дастарқан жайылатынын біледі. Откенде қонақтарды шығарып салып болған соң құлап қалдым. Қатты құладым, бірақ сиынқтан аманмын. Орнымда отырып жыладым, Faфуга. Не жаздым, сен емес, мен кетуім керек еді, 20 жылда сенің жоқтығыңнан көрінгенге жалынып, әркімнің есігін қағып жүріп, кітаптарыңды шығарудамын. Туған күнінді өткіздім, мен неге құлаймын, аяғым сиынп қалса не болады, не сен маған ренжіп жүрсің бе, риза емессің бе, деп.

Откенде бір қызық болды. Саған ақтарылып бәрін айтып жатырмын ғой. Апам, сенің анаң Құләнда Faфуды да, мені де қатты жақсы көретін еді, аруақтары сезіп жатқан шығар. Әңгімемді жалғастырайын.

Костанайда Faфу атында мектеп ашылады деп құлак түріп жүргеніме біраз уақыт болды ғой. Ол да ұзап барады. Төсегімнің бас жағында Faфудың суреті тұрады. Содан кешке жатарда суретке қарап алыш, ал кеп жылайын. Дауысым шығып кетіпті. Жүгіріп келген Элимам: Не болды, неге жылап жатырсыз? – дейді. – Экене жылап жатырмын. Анау мектепке атың берілмей жатыр, оқу жылы болса жақындал қалды, деп шағым жасап жатырмын десем, Элима жұбатып: – Астанада мектебі, Костанайда көше бар ғой, әкем ұмытылмайды, жылама, – деп жұбатуда. Ертеніне олар жұмысқа кеткесін тағы жылайын. Кешкін жұмыстап келген соң жылаған жүзімді көріп Элима жапақ жапақ етеді. Содан жатайын деп жатыр едік, Астанадан Бақыт телефон соғып тұр. Тайка, сүйінші, ономастикалық комиссия шешім қабылдапты, енді құжат үкіметке жіберіледі, содан қаулы шығады, дейді. Куанып жатырмын. Элима тұрып: – Баяғыдан бері екі күн қатарынан жыламадыңыз ба, – деп қарап тұр. Әкесіне тартқан ғой, тауып сөйлейді.

Жылдағыдай емес, денсаулық сыр бере бастағандай, өткенде наурыз айында қан қысымым қатты көтеріліп кетті. Шүкір, Ғафудың арты жаман емес. Бақыттың 60 жылдығы Мәскеуде де тойланды. Орден берді. Ал Әлима, ғылым докторы, консерваторияда кафедра менгерушісі. Ал Ғафура әкімдікте, жүрген жерін де сыйлы, мемлекеттік наградалары бар.

– Апа, жоғарыда анаңыз жайлы айтқанда дастарқаннан барлық ағаларым дәм татты деп жатырсыз. Жалпы, ағаның сыйласп өткен ағалары жайлы айтып өтсөніз.

– Несін айтасың, Ғафуды барлық ағалар жақсы көрді ғой. Оның таланттынан басқа адамдармен жақсы араласып кететін қасиеті болды ғой. Көрген жақсылығын, қамқорлығын айтуды азаматтық парызы санайтын. Шынында да Ғафуға ағалық қамқорлығын, жылу шуағын төккен ағалар баршылық. Ол алдымен Қайнекей аға Жармағамбетов болатын. Ғафудың оқуына да, Алматыда жұмысқа қалуына да, тіпті біздің дұрыс үй болып кетуімізге де ол кісінің қамқорлығы өте көп болды. Ағаның сол еңбегін ақтағым келіп, ол кісі жалғыз қалғанда қолына да барып тұрдық. Мен әдейі Ғафуға үйіміз салынып біткенше пәтер жалдамай-ақ қойшы, мен ағаға өз қолыммен асын әзірлеп, бағайын деп қолына көшіп бардық. Несін айтасың, ондай аға сирек қой. Ғафудың өмір де қатты қадірлеп өткен жаны Қасым Аманжолов болатын. Қасым аға «Дариға, сол қызды» Ғафуға сен айт деп өзі берген ғой.

Ғабең біздің үйге келгенде асты террассада отырып ішкенді ұнататын. Ғафуды жақсы көргені сондай, еліне де алып барушы еді. Сондай сапардан «Елтінжал» туды. Ғафу шын мәнінде жайсаң жан еді ғой. Оның ешқашан біреуді жамандағанын білмеймін. Жазушылар өздері отырған жерде біреу туралы онша емес әңгіме бастаса, қойындаршы деп, тіпті болмаса ән айтайық, деп ән бастап кететін. Ағаларынан көрген қамқорлығын Ғафу өзінен кейінгі інілеріне көрсетті. Жұмекен Нәжімеденовті консерваторияда оқып жүрген жерінен өлеңдерін көріп, сен консерваториянды қой, менің бөлімімде жұмыс бар деп қолынан жетелеп, әдебиетке алып келді. Шөмішбайды еркелетіп отыратын, Серік Тұрғынбеков, Серікбай Оспанов, Кеңшілік Мырзабеков сынды інілеріне қамқор болды. Қазір айтсаң, осының бәрі ертегі тәрізді. Кейде, Ғафудың туған күндерінде Төлен Әбдік, Серік, Серікбайлар телефон соғып қала ма деп күтемін. Менің тағдырым Ғафу ғой. Өмірімнің бәрі, жақсы күндерім де, қанатты жылдарым да Ғафумен байланысты.

Айналайын, бар сырым да, шыным да осы. Артық көрмессін.

– О не дегеніңіз апа, қайта сізге айттар алғысым шексіз. Сыр төгіп, ағаның адам дық қырларының бұрын мен білмей тін беттерін ақтардыңыз. Оның біздің «Егеменнің» оқырмандарына да пайдасы бар деп білемін. Көп рахмет, сізге.

Әңгімелескен Анар ТӨЛЕУХАНҚЫЗЫ